



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Notæ In Notas Willelmi Wendrockii Ad Ludovici Montaltii
Litteras, Et In Disquisitiones Pauli Irenæi Inustæ**

Fabri, Honoré

Coloniæ, 1659

Sanctissimi D. N. Alexandri Divina Providentia Papæ VII. Confirmatio, &
Declaratio Constitutionis Innocentii Papæ X. qua damnatæ sunt quinque
Propositiones excerptæ ex libro Cornelii Jansenii ...

urn:nbn:de:hbz:466:1-39536

SANCTISSIMI D. N.
ALEXANDRI
DIVINA PROVIDENTIA
PAPÆ VII.

*Confirmatio , & Declaratio Constitutionis
Innocentii Papæ X. qua damnatae sunt
quinque Propositiones excerptæ ex libro
Cornelii Jansenii Episcopi Irenensis,
cui Titulus , Augustinus.*

ALEXANDER
EPISCOPUS
SERVUS SERVORUM DEI.

*Universis Christi fidelibus salutem , & Apostolicam
benedictionem.*

AD Sanctam Beati Petri Sedem, & Universalis Ecclesiæ regimen, inscrutabili Divinæ Providentiæ dispositione, nullis nostris suffragantibus meritis evecti, nihil Nobis antiquius ex Muneris nostri debito esse duximus, quām ut Sanctæ Fidei nostræ, ac Sacrorum Dogmatum integritati tradita Nobis à Deo potestate opportuæ consuleremus; ac licet ea, quæ Apostolicis Con-

* 4 stitutio-

MS. D. N. Alexandri Papæ VII.

stitutionibus abundè fuerunt definita, novæ Decisio-
nis, sive Declarationis accessione, nequaquam indi-
geant, quia tamen aliqui publicæ tranquillitatis per-
turbatores illa in dubium revocare, vel subdolis inter-
pretationibus labefactare non verentur, ne morbus
iste latius divagetur, promptum Apostolicæ authori-
tatis remedium censuimus non esse differendum. Em-
navit siquidem alias à fœl. rec. Innocentio Papa X.
Prædecessore nostro Constitutio, Declaratio, & De-
finitio tenoris, qui sequitur, videlicet. Innocentius
Episcopus Servus Servorum-Dei. Universis Christi fi-
delibus salutem, & Apostolicam benedictionem. Cum
occasione impressionis libri, cui titulus Augustinus
Cornelii Jansenii Episcopi Irensis, inter alias ejus
opiniones orta fuerit, præsertim in Galliis, contro-
versia super quinque ex illis, complures Galliarum
Episcopi apud Nos institerunt, ut easdem Propositio-
nes Nobis oblatas expenderemus, ac de unaquaque
earum certam, & perspicuum ferremus sententiam.
Tenor verò præfatarum propositionum est prout se-
quitur. Prima. Aliqua Dei præcepta hominibus justis
volentibus, & conantibus secundùm præsentes, quas
habent vires, sunt impossibilia, deest quoque illis
Gratia, qua possibilia flant. Secunda. Interiori Gra-
tiæ in statu naturæ lapsæ nunquam resistitur. Tertia.
Ad merendum, & demerendum in statu naturæ lapsæ
non requiritur in homine libertas à necessitate, sed
sufficit libertas à coactione. Quarta. Semipelagiani ad-
mittebant prævenientis Gratia interioris necessita-
tem ad singulos actus, etiam ad initium fidei, & in hoc
erant hæretici, quod vellent eam Gratiam tamē esse,
cui posset humana voluntas resistere, vel obtempera-
re. Quinta. Semipelagianum est dicere, Christum pro
omnibus omnino hominibus mortuum esse, aut san-
guinem

Confirmatio, & Declaratio Constitut. Inuocentii X.

guinem fudisse. Nos, quibus inter multiplices curas, quæ animum nostrum assidue pulsant, illa in primis cordi est, ut Ecclesia Dei Nobis ex alto commissa, purgatis prævarum opinionum erroribus tutò militare, & tanquam navis in tranquillo mari sedatis omnium tempestatum fluctibus, ac procellis, securè navigare, & ad optatum salutis portum pervenire possit; Pro rei gravitate coram aliquibus S. R. E. Cardinalibus ad id specialiter sèpiùs congregatis, à pluribus in Sacra Theologia Magistris, easdem quinque Propositiones, ut supra, Nobis oblatas, fecimus singillatim diligenter examinari, eorumque suffragia tùm voce, tùm scripto relata maturè consideravimus, eosdemque Magistros, variis coram Nobis actis congregatiibus, prolixè super eisdem, ac super earum qualibet differentes, audivimus. Cum autem ab initio hujuscemodi discussionis ad Divinum implorandum auxilium multorum Christi fidelium preces, tùm privatim, tùm publicè indixissemus; Postmodùm iteratis eisdem ferventiùs, ac per Nos sollicitè implorata Sancti Spiritus assistentia, tandem Divino Numine favente ad infra-scriptam devenimus declarationem, & definitionem. Primam prædictarum Propositionum: Aliqua Dei præcepta hominibus justis volentibus, & conantibus secundùm præsentes, quas habent vires, sunt impossibilia, deest quoque illis Gratia, qua possibilia fiant. temerariam, impiam, blasphemiam, anathemate damnatam, & hæreticam declaramus, & uti talem damnamus. Secundam. Interiori Gratiæ in statu naturæ lapsæ nunquam resistitur. hæreticam declaramus, & uti talem damnamus. Tertiam. Ad merendum, & demerendum in statu naturæ lapsæ non requiritur in homine libertas à necessitate, sed sufficit libertas à coactione. hæreticam declaramus, & uti talem damnamus.

Quar-

S. D. N. *Alexandri Papæ VII. Confirmatio,*

Quartam. Semipelagiani admittebant prævenientis Gratiae interioris necessitatem ad singulos aetates, etiam ad initium fidei, & in hoc erant haeretici, quod vellent eam gratiam talem esse, cui posset humana voluntas resistere, vel obtemperare. falsam, & haereticam declaramus, & uti talem damnamus. Quintam. Semipelagianum est dicere, Christum pro omnibus omnino hominibus mortuum esse, aut sanguinem fudisse. falsam, temerariam, scandalosam, & intellectam eo sensu, ut Christus pro salute dumtaxat prædestinorum mortuus sit. impiam, blasphemam, contumeliosam, Divinæ pietati derogantem, & haereticam declaramus, & uti talem damnamus. Mandamus igitur omnibus Christi fidelibus utriusque sexus, ne de dictis propositionibus sentire, docere, prædicare aliter præsumant, quam in hac præsenti nostra Declaratione, & Definitione continetur, sub censuris, & poenitentia contra haereticos, & eorum fautores in jure expressis. Præcipimus pariter omnibus Patriarchis, Archiepiscopis, Episcopis, aliisque locorum Ordinariis, necnon haereticæ pravitatis Inquisitoribus, ut contradictores, & rebelles quoscumque per censuras, & poenas prædictas, ceteraque juris, & facti remedia opportuna, invocato etiam ad hoc (si opus fuerit) auxilio brachii secularis, omnino coercent, & compescant. Non intendentes tamen per hanc Declarationem, & Definitionem super prædictis quinque propositionibus factam, approbare ullatenus alias opiniones, quæ continentur in prædicto libro Cornelii Jansenii. Datum Romæ apud Sanctam Mariam Majorem Anno Incarnationis Dominicæ millesimo sexcentesimo quinquagesimo tertio, pridie Kal. Junii. Pontificatus Nostri Anno Nono. Cùm autem, sicut accepimus,

non-

& Declaratio Constitut. Innocentii.

nonnulli iniquitatis Filii prædictas quinque Propositiones, vel in libro prædicto ejusdem Cornelii Jansenii non reperiri, sed fictè, & pro arbitrio compositas esse, vel non in sensu ab eodem intento damnatas fuisse, asserere magno cum Christi fidelium scandalō non reformident. Nos, qui omnia, quæ hac in re gesta sunt, sufficienter, & attentè perspeximus, utpotè qui ejusdem Innocentii Prædecessoris iussu, dum adhuc in minoribus constituti, Cardinalis munere fungeremur, omnibus illis Congressibus interfuiimus, in quibus Apostolica autoritate, eadem causa discussa est, eâ profectò diligentia, quâ major desiderari non posset, quamcumque dubitationem super præmissis in posterum auferre volentes; ut omnes Christi fideles in ejusdem fidei unitate sese contineant, ex debito nostri Pastoralis Officii, ac matura deliberatione, præinsertam Innocentii Prædecessoris nostri Constitutionem, Declarationem, & Definitionem, harum serie confirmamus, approbamus, & innovamus; & quinque illas Propositiones ex libro prænemorati Cornelii Jansenii Episcopi Iptensis, cui titulus est, Augustinus, excerptas, ac in sensu ab eodem Cornelio Jansenio intento damnatas fuisse, declaramus, & definimus, ac uti tales, inustâ scilicet eâdem singulis notâ, quæ in prædicta declaratione, & definitione unicuique illarum singillatim inuritur, iterum damnamus, ac eundem librum sæpe dicti Cornelii Jansenii, cui titulus, Augustinus, omnesque alios tâm manuscriptos, quam Typis editos, & si quos forsan in posterum edi contigerit, in quibus prædicta ejusdem Cornelii Jansenii Doctrina, ut supra, damnata defenditur, vel astruitur, aut defendetur & astruetur, damnamus itidem, atque prohibemus. Mandantes omnibus Christifidelibus ne prædictam Doctrinam teneant, prædicent, docent

S.D.N. *Alexand.* *Pape VII.* *Confirmatio, & Declaratio.*
ceant verbo, vel in scriptis exponant, vel interpreten-
tur, publicè, vel privatim, palàm, vel occultè impi-
mant, sub pœnis, & censuris contra Hæreticos in jure
expressis ipso facto, absque alia declaratione incurren-
dis. Præcipiūs igitur omnibus Venerabilibus Fatri-
bus nostris Patriarchis, Primatibus Metropolitanis,
Archiepiscopis, Episcopis, cæterisque locorum Ordin-
ariis, ac hæreticæ pravitatis Inquisitoribus, ac Judici-
bus Ecclesiasticis, ad quos pertinet, ut præinsertam
ejusdem Innocentii Prædecessoris Constitutionem,
Declarationem, ac Definitionem juxta præsentem
nostram Determinationem ab omnibus observari fa-
ciant, ac inobedientes, & rebelles prædictis pœnis, a-
liisque juris, & facti remedii, invocato etiam, si opus
fuerit, brachii sæcularis auxilio, omnino coercent.
Datum Romæ apud Sanctam Mariam Majorem Anno
Incarnationis Dominicæ millesimo sexcentesimo
quinquagesimo sexto, Decimo septimo Kal. Novem-
bris, Pontificatus Nostri Anno Secundo.

I. CARD. PRO DAT.

G. GVALTERIUS.

Visa de Curia P. Ciampinus.

In Nomine Domini Amen. Anno à Nativitate ejusdem Domini
N. IESU CHRISTI millesimo sexcentesimo quinquagesimo
sesto Indictione nona Pontificatus autem Sanctissimi in Chri-
sto Patris & D. N. D. ALEXANDRI Divina Providentia
Pape VII. Anno ejus Secundo, Die verò septima mensis No-
vembris retroscriptæ litteræ sub Plumbo expeditæ, affixæ fue-
runt ad Valvas Basilica & Principis Apostolorum de Urbe, Can-
cellarie Apostolicæ, ac aliis locis solitus, & consuetis Urbis, per
me Petrum Paulum de Graffis Apostolicum Cursorem.

Pro Magistro Cursorum Jacobus Cornelius Cursor.

D E-